

MUSEUM GHERDĒINA

L Cërtil de sustenidëures "Nosc Museum"



Na cësa per la richëzes de nosta valeda

Finalmënter ti l'ons fata, l'finanziamënt per la cësa nueva dl Museum Gherdëina ie unit dat prò.

Na grupa de architec de Gherdëina, deberieda cun partner internaziunei, à venciù l'cuncors per l'fabricat dla cësa nueva.

La se trata de na costruzion dal cialé ora modern y sterch, ma che ti vën tl medemo tēmp ancotra ai debujëns dla lies che avrà si sēnta te chēsta costruzion.

La Cësa nueva di Ladins sarà na vedrina per nosta tradizion de marueia

Chël che caraterisea Gherdëina unirà prejentà tl Museum nuef cun na narazion nueva, acioche nce la proscima generaziun se rēnde cont dl'arpejon culturale:

La Dolomites y si formazion

Nosta montes ie seniedes da na storia de formazion da stramp cum-plexa, documentada te nosta culezion geologica.



La storia dl nridlamënt

l' reperc archeologic de Frea y Col de Flam desmostra che nosta valeda fova bele de mpurtanza per i ciaciadëures dl tēmp dla piera y abiteda dal tēmp dl bront incà.

l' vedli mejes, che se à mo mantenì nchin ncueicundi nes toca per si belëza y armunia cun l' paesaje.



L artejanat artistic



Da plu de 300 ani incà ie Gherdëina cunesciuda ora per dut l'mond per si artejanat artistic. Tla culezion dl Museum iel pec de gran valor storich y artistic.

Mo al didancuei iel truep artisíc da talënt te nosta valeda.

L Museum nuef pudrà nce ti pité na lerch al'ert cuntemporana.



La produzion dla chiena

Ntëur l'1800 fova Gherdëina un di sies zēntri prinzipei de produzion de roba da fé damat tl'Europa. Mo do la prima viera y fina l'ann 1998 univa juesc de lën fac te Gherdëina.

La culeziun de Bera Giuani da Vastlé y dla firma Sevi documentea danter l'auter nce l' svilup econimich y soziel te Gherdëina de passa trëicēnt ani.

L alpinism

Per abiné la ravises dl alpinism te Gherdëina muessen jì de revieres de doicēnt ani. L'ie drët tò ite nce l' alpinism te nosta arpejon culturale, che dëssa unì documentada y mantenida tl' Museum.

MUSEUM GHERDĒINA



L turism

Al didancuei ie l turism na gran funtana de davani. Ma l ne fova nia for nscila. Mustré su chësc svilup y l fé cunëscer dëssa vester un di fins dl Museum.

L sport

Nce i suzesc sportifs de nosc atlec caraterisea la cultura de nosta valeda y se merita de unì documentei y prejentei.

Persunajes cunesciui de Gherdëina

Luis Trenker: L ne n'ie nia mé stat n mëinacrëp, na stëila dl film, n autëur y n piunier dl ambient, ma nce n contastories da talënt. Èl se à mpenià per i Campiunac dl Mond de schi te Gherdëina tl 1970 y à purtà pro a fé cunëscer nosta valeda y la Dolomites a livel nternaziunel.



Giorgio Moroder: Piunier dla "Disco-music", premià cun de plu Oscars, cunesciù ora per dut l mond. Scebën che Giorgio Moroder viv per la majera pert a Los Angeles, ne n'al mei desmincià si ravises de Gherdëina. Al Museum Gherdëina ti àl lascià n pert si uneranzas, danter l auter 13 plates de platin per l soundtrack dl film cult Flashdance.



Culezions de gran valor

Dlongia la culezions dl Museum iel nce jënt de Gherdëina che à culezions privates. Chëstes pudëssa giaté na lerch per for o per n tēmp definì, te na sala adateda tl Museum nuef.

Per mantenì viva nosta arpejon culturalela

Sciche prima cosa dëssa vester l Museum Gherdëina na luegia, ulache nëus de Gherdëina pudon udëi y mparé a cunëscer nosta arpejon culturalela.

Perchël uniral pità na gran lerch per mostres spezieles, che nes dëssa de la ueia de crië zeche de nuef ti cialan a nosta tradizions cun n auter uedl.

La mostra Sevi "Dal lèn al juech" ie n prim ejëmpl de chësc cunzet de interazion: mëndri y granc possa fé damat y pastelné deberieda, se lascian ispiré dai juec de lèn.

Coche degun auter museum de valeda te Südtirol à l Museum Gherdëina metù a jì proiec de nrescida y publicazions n cont dla storia dla valeda. Tl Museum nuef possa chësc aspet mo unì renfurzà.

Na ufierta per patins nteressei y da n cër livel culturel

L ne n'ie nia nfat ciun patins che vën adalersch te Gherdëina. Patins de n cër livel culturel, respetëusc y nteressei a nostra cultura possa vester n gran arichimënt per nëus da tlo. L cuntat cun l mond nes caraterisea da cënc de ani incà y ie una dla tleves per nosc suzes.

L Museum, scebën for mo pitl ma rich de testimonianzes y cuntenuc de nteres nternaziunel, che possa vester na atrazion per chëi patins che prijëa Gherdëina cun si storia y cultura.

MUSEUM GHERDĒINA

Nëus de Gherdëina sëurantolon responsablà per nosta tradizion

Tres ani de cuntat cun l'presidënt dla Provinzia, cun i assessëures provinziei y cun i diretëures cumpetënc ai udù ite l'gran valor de nosc Museum. A chësta maniera ai nce tëüt la dezijion de nes sustenì cun n'finanziamënt mpurtant seurapro a chël di cater chemuns dla valeda. La man publica cuer al plu l'80% dla soma che mancia per l'manejamënt dl Museum y per proiec particuleres che ne vën nia curì da davanies. Perchël muëssa almanco l'20% di scioldi che va debujën unì abinei adum da mpreditëures de Gherdëina y da privac.

Perchël ons, do l'ejëmpl dla Svizra, metù su l'Cërtil de sustenidëures (Freundeskreis) "Nosc Museum".

L Cërtil de sustenidëures "Nosc Museum"

Cumëmbri dla Lia Museum Gherdëina, che uël sustenì l'Museum, possà se scrì ite tl Cërtil de sustenidëures.

- I se anconta uni tant per se rujené dl urientamënt y dla realizazion dl Museum nuef.
- N vën nviei a jì pea a jites, a vijité museums particulermënter nteressanc y a se tò vel' idea.
- I vën numinei coche sustenidëures dl Museum.
- I possa vijité l'Museum Gherdëina debant y nvië nce parënc y cumpanies.

Sponsor

La firmes che se sënt particularmënter liedes ala storia y cultura de nosta valeda ie de cuer nviedes a sustenì l'Museum Gherdëina o singuli proiec y initiatives dl Museum. Te chësc cajo possa l'Museum alincontra visualisé la firma y si sustëni:

- sun la plata internet dl Museum
- sun l'pruspèt generel dl Museum
- sun purspec de proiec defrënc
- sun toflies defrëntes tl Museum
- sun toflies spezieles y logos ulache unieis nunziei coche sostenidëures.

Ve nvion de cuer a sustenì y a judé pea a crië nosc Museum de Gherdëina nuef!

Cun de bieì reingraziamënc y saluc

I cunsëi dla Lia Museum Gherdëina

Georg Senoner Vastlé (Presidënt)

Christa Kasslatter (Vizepresidënta)

Matthias Höglinger

Theodor Rifesser

Diego Kostner

Claudia Urthaler (Raprejentanta ULG)

Tobias Moroder (Ambolt Chemun de Urtijëi)

Marc Senoner (Cunsëlier dl Chemun de S. Cristina)

Doris Mussner (Referënta dl Chemun de Sëlva)

MUSEUM GHERDĒINA

39046 Urtijëi/St. Ulrich/Ortisei

str. Rezia 83, Cësa di Ladins

T +39 0471 797554

info@museumgherdeina.it

www.museumgherdeina.it

https://geo.museumgherdeina.it